

MORBO QVI SPVTATVR

FLAVTI CAPTIV. ACT. III. SC. IV. v. 15—23.

ET EVANG. MARCI VIII. v. 23.

**TRIVM ADOLESCENTVM
ORATIVNGVLAS
IN SCHOLA THOMANA**

DIE II. MAII A. CHR. c1919ccccx

HORA NONA MATVTINA

BENEVOLE AUDIENDAS

INVITAT

FRIDER. GVILIELM. EHRENER. ROSTIVS

RECTOR

LIPSIAE

EX OFFICINA KLAVBARTHIA.



Tynd. *Hegio, hic homo rabiosus habitus est in Alide.
Ne, quod istic fabuletur, aures immittas tuas.
Nam istic hastis infectatus est domi matrem et patrem,
Et illic isti, qui sputatur, morbus interdum venit.
Proin' tu ab istoc procul recedas. Heg. ultro istum a
me. Tynd. ain', verbero,
Me rabiosum? atque infectatum esse hastis meum me-
moras patrem?
Et eum morbum mihi esse, vt qui me opus sit inspu-
tarier?*

Heg. *Ne verere: multos iste morbus homines macerat,
Quibus insputari saluti fuit.*

Quisnam ille morbus sit, cuius curandi gratia homines insputatos fuisse Plautus ait, eius rei perplexa et difficilis indagatio est. Etsi enim plerique interpretes epilepsiam intelligi confirmant; tamen non satis idoneas suae sententiae rationes, e Plinio atque Apuleio, in medium proferunt. In Plinio enim, quem grauissimum eius rei auctorem atque testem citant, nusquam dicuntur eo morbo laborantes homines insputati fuisse.

fuisse. Sed in vno loco X. 23. vbi haec sunt: *Coturnicibus veneni semen gratissimus cibus: quam ob causam eas damnare mensae, simulque comitiales propter morbum despui suetum; clare apparet, nihil dici, nisi quod veteres, propter istam de coturnicibus opinionem, ab edendis iis abhorruerint: in altero XXVIII. 4. qui sic habet: despuimus comitiales morbos, ipse auctor sibi interpret est, addit enim: hoc est contagia regerimus. Simili modo et fascinationes repercutimus. Quod vtrumque non inspundo, sed in terram vel sinum despuendo effici potuisse, veteres haud dubie crediderunt. (v. Frommannum de Fascinat. L. 1. P. I. Sect. 3. c. 4.) Nec magis Inculentum testimonium est, quod ex Apuleio affertur. Is enim in Apologia, vbi de Thallo puero, comitali morbo affecto, loquitur, vocabulo despuere bis ita vtitur, vt dubitari nequeat, id aliena potius, quam propria vi usurpari. Nam quo sensu haec dicantur: Possunt dicere omnes, quid in Thallo despuant, sequentia declarant: cur nemo audeat cum eo ex eodem catino coenare, eodem poculo bibere. In illo autem enthymemate e contrariis: Imo enim, si audire verum velis Aemiliane, tu potius caducus, qui iam tot calumniis cecidisti. Neque enim grauius est corpore, quam corde collabi: pede potius, quam mente corruere: in cubiculo despui, quam in isto splendidissimo coetu detestari; propria translatis opponuntur, vocabulumque despui idem valet ac detestari. Quae aliorum quoque verborum ab eadem origine ductorum, vt respuere, consputare, exspuere, frequens significatio est. Quo pertinet inprimis illud Ciceronis ad Q. Fr. II. 3. Hora fere nona, quasi signo dato, Clodiani nostros
conspu-*

computare coeperunt. Accedit, quod alius morbus, oculorum scilicet, in sacris literis commemoretur, quem Iesus ita leuaverit, ut in oculos aegroti inspiceret. De quo postea videbimus. Vnde patet illis Plauti verbis, morbus qui sputatur, non satis clare certoque describi epilepsiam. Sed ut tantisper cedamus, eam hic loci vnicuique significari, cui non mirum videatur, qui factum sit, ut omnes omnino veteres medici, graeci pariter atque latini, a nobis curiosius consulti, qui de morbo illo fusius breuiusue egerunt, nullam istius medicinae mentionem fecerint, ipseque adeo Galenus, et qui eius vestigia religiose presserunt, Paulus Aegineta, Oribasius et Aetius, ubi de medicis salivae viribus exposuerunt, hanc eius admirabilem vim summo praeterierint silentio? Num verosimile est, eos aut hunc salivae usum ignorasse, aut vanam istam et superstiosam medelam fastidiuisse et consulto neglexisse? Quos tamen non poenituerit, maxime Alexandrum Trallianum et Serenum Samonicum, aequae inania morbi comitialis auxilia disertius commemorare. Quapropter ego haud temere statuerim, nec credidisse veteres Herculeum morbum saliva tolli, nec inspuitandi morem istum, qui habetur, utique observasse. De quo postremo Mercurialis quoque (Varr. Lectt. lib. V. c. XI. Venetiis 1583.) dubitavit, causam vero aliquam non magis attulit, quam argumentis demonstravit, morbum inspuitatum esse epilepsiam ¹⁾. Quam quidem causam ego nolim in humanitatis

¹⁾ Quare non debbat *Nebelius* in libello *de morbis veterum obscuris*. c. 4. (Sectio I. Giesae 1794. 8.) scribere: *liquidissime et citra dubitationem*

nitatis quodam sensu reponere, quo ducti veteres, ut omnes cultioris animi homines, ab huiusmodi spurcitie et contumelia longius afuerint. Vincit enim pudorem necessitas, consilii, que honestas speciem turpitudinis excusat. Nos vero morem istum obtinuisse vsquam ideo dubitamus, quoniam praeter hunc Plautinum locum, qui satis est ambiguus, nihil ea de re memoriae proditum est. Quid, quod humanae salivae vis non semper et omnino salutaris ²⁾, sed noxia etiam et perniciofa habita est, idque inprimis cum in viuum animal inspueretur? Qua de re Galenus *περὶ τῆς τῶν ἀπλῶν φαρμάκων δυνάμεως* T. I. P. II. p. 137. ed. Basil. ita: καὶ ὅλην δὲ τὴν ἐσίαν τὸ πύελον ἐναντιωτάτην (lege ἐναντιώτατον) ἐστὶ τοῖς ἀναιρεῖσιν ἀνθρώπου θηρίοις, ὥς πε καὶ Νικάνδρος ὁ ποιητὴς λέγει (in carminibus Nicandri, quae aetatem tulerunt, hoc frustra quaesiveris.) καὶ μοι τις ἐπαγγειλόμενος ἐπὶ δὴν ἀναιρεῖσαν σκορπίου ἐπιδείξειν ἅπαξ εἰπὼν αὐτὴν ἐπέπυσεν τῷ σκορπίῳ, καὶ περὶ ἐξῆς δεύτερον εἰπὼν αὐτῷ ἐπέπυσεν, εἶτα καὶ τὸ τρίτον εἰπόντος τε καὶ καταπύσαντος, ἀπέθανεν ὁ σκορπίος· ὕστερον δ' ἐγὼ χωρὶς τῆς ἐπὶ δὴς ἐθεασάμην ἐπὶ τῷ σιάλῳ μόνῳ τὸν σκορπίον ἀποθανόντα, etc. Idem alii medici, de aliis animalibus, Plinio teste, statuerunt, qui

tationem demonstratum est a Mercuriali — morbum istum apud Plautum occurrentem esse epilepsiam: nec verborum proprios et translatos significatus confundere, locisque auctorum ad corroborandam suam sententiam ab re alienissimis abuti, cuiusmodi est ille Iuvenalis, Satyr. VII. 111.

- 2) De qua salutari vi in quibusdam externis corporis malis curandis vid. Nuck in Sialographia Lugd. Bat. 1723. p. 52. etc. et Miscell. Med. Phys. Obs. 52. Ann. 3. et Dec. 2. An. 6. p. 428.

qui haec refert: *Marcion Smyrnaeus, qui de simplicibus effectibus scripsit, rumpi scolopendras marinas sputo tradit: item rubetas aliasque ranas: Ophilius, serpentes, si quis in hiatum earum exspuat.* Tantum igitur abest, ut ab eiusmodi ἐμπύρεσι epileptici salutem exspectarent, ut metuendum iis potius fuisset, ne ipsis, pariter ac venenatis bestiis, salivae noceret, repentinamque mortem afferret. Vbi enim salutaris vis salivae commemoratur, ibi reperimus etiam, eam unguenti et cataplasomatis loco aegrotis corporis partibus fuisse molliter adplicatam³⁾: quando vero temere in solum aut corpus animale deiecta fuit, semper amuleti vicem obtinuit. (Cfr. inprimis Plinius II. cc. et Schurigius in Sialologia p. 161 et 162.) Quae cum ita sint, ut morbo comitiali oppressi curationis causa nunquam insputati fuisse videantur; tamen nullus dubito, quin in Plautino loco de hoc morbo cogitandum sit. Nam quibus de causis Schmiederus quidem

3) Hunc salivae usum, diu e medicina proscriptum, postliminio nuper redire iusserunt medici Itali, qui medicamenta variis animalium humoribus, atque igitur etiam saliva, mixta et diluta corpori humano utiliter infricare instituerunt. Quam viam a Francesco Chiarenti patefactam (vide eius Lettera in risposta alle obbiezioni fatte dal Sig. Chiarugi, coll' Aggiunta delle Riflessioni sullo stesso argomento del Sig. Rossi. Firenze 1798.) alii feliciter ingressi sunt, in quibus praeter ceteris eminet Valer. Luigi Brera, (vide eius Anatripsologiam, Paviae 1799 et 1800. II. Voll.) de quo Tourdes medicus Montepessulanus (in libello lettre sur les médicaments administrés à l'extérieur de la peau dans les maladies internes, a Pavie, l'an six d. l. Rep. Fr.) haec scribit: p. 23. Nous devons au docteur Brera l'heureux essai de plusieurs médicaments préparés avec la salive.

dem solam rabiem, neque vero epilepsiam significari censet, nempe quod hoc morbo correpti nec infectentur alios, infectariue possint, ut non iubendus Hegio fuerit securitati suae prospicere: nec in loquendo delirent, quare monendus idem non fuerit, ne crederet Aristophontis dictis; eae mihi non satis graues et a re praesenti alienae videntur. Praeterquam enim quod neutiquam repugnat eundem et epilepticum et rabiosum esse, dici quoque potest, licere personis comicis, quando aliis imponere velint, res ad consilia sua accommodate fingere. Quare Tyndarus in id vnice intentus, ut Hegionem a colloquio cum Aristophonte abstraheret, pro suis moribus facile fingere potuit, inesse isti homini grauissimos morbos, illa tempestate vix ope humana leuandos, ideoque laruarum stimulis tribui solitos (v. 66.) et a Graecis τῶν δαιμονιζομένων nomine comprehensos. Nam talia in theatro dicta non videntur ex arte iudicanda, neque ad viuum resecanda esse, sed pingui, ut aiunt, Minerua interpretanda, ut voluntatis personae comicae potior, quam veritatis et naturae necessitatis ratio habeatur. Sed eiusmodi excusatione non indigere Plautum manifestum est, quippe qui adeo nihil temere et licenteringat, ut insignem artis medicae peritiam prae se ferat. Nam quatuor illae affectiones, quas aegroto Aristophonti tribuit, rabies, ardentes oculi, maculae luridae et atra bilis, a veteribus in epilepticis aut seorsim aut simul obseruatae reperiuntur. Vetusissimi enim medici, qui morborum causas generales ex humorum intemperie deriuabant, epilepsiam a pituita maxime deducebant, qua quidem cerebrum, rationis sedem, ita corrumpi statuebant,

vt infania oriretur. Hanc insaniam duplicis generis esse statuunt: γίνεται δὲ ἡ διαφθορὰ τῆ ἐγκεφαλῆς ὑπὸ φλέγματος καὶ χολῆς. γνώση δὲ ἐνάτερα ὧδε. οἱ μὲν γὰρ ὑπὸ φλέγματος μαινόμενοι, ἡσυχοί τε εἰσι, καὶ ἔβηται, ἔδὲ θορυβώδεις. οἱ δὲ ὑπὸ χολῆς, πλῆκται καὶ κακῆργοι, καὶ ἐκ ἡρεμαῖοι. Hippocrates de infania. Quod autem ad maculas luridas attinet, earum mentionem facit Plato in Timaeo, Hippocratis in describendis morborum causis atque signis doctrinam amplexus. Verba eius haec sunt: (T. III. p. 85 ed. Steph.) τὸ δὲ λευκὸν φλέγμα διὰ τὸ τῶν πομφολύγων πνεῦμα χαλεπὸν ἀποληφθὲν, ἔξω δὲ τῆ σώματος ἀναπνοῆς ἴσχον, ἡπιώτερον μὲν, καταποικίλλει δὲ τὸ σῶμα, λεύκας, ἀλφούς τε καὶ τὰ τέτων ξυγγειῇ νοσήματα ἀποτίκτον. Mox sequitur etiam atra bilis, pergit enim ita: μετὰ χολῆς δὲ μελαίνης κεραιθὲν, ἐπὶ τὰς περιόδους τε τὰς ἐν τῇ κεφαλῇ, θειοτάτας ἔσας, ἐπισκεδαννύμενον, καὶ ξυνταράττον αὐτάς, καθ' ὕπνον μὲν ἰὸν, πρᾶύτερον ἐγρηγοροῖσι δὲ ἐπιτιθέμενον, δυσπαλλακτότερον. νόσημα δὲ ἱερᾶς ὄν φύσεως, ἐνδικώτατα ἱερὸν λέγεται. Idem de atra bile Hippocrates refert in Epidem. VI. 8. 95. οἱ μελαγχολικοὶ καὶ ἐπιληπτικοὶ εἰώθασιν γίνεσθαι ὡς ἐπιτοπολύ. καὶ οἱ ἐπιληπτικοὶ μελαγχολικοί. (Quod cum in libro περὶ ἱερῆς νόσου negetur his verbis: τοῖσι γὰρ φλεγματώδεσι, φύσει γίνεται. τοῖσι δὲ χολώδεσιν, οὐ προσπίπτει, vel inde emergit eum non Hippocrateum esse, aequae atque illum περὶ Φυσῶν, in quo sacer morbus non a pituita, sed a flatibus derivatur.) Oculorum denique torporem, rigidum et ardentem obtutum hodiernum in caducis hominibus animadverti, planum est. Certum igitur atque exploratum est in Plautino loco epilepsiam describi, quocum confe-

renda sunt Theophrasti memorabilia verba in Characterē 16. quae sic sonant: *μαινόμενον τε ἰδὼν ἢ ἐπιληπτον, φεῖξας εἰς κόλπον πῦσαι.* In quo quidem loco non solum rabies cum epilepsia conjungitur, verum etiam, quo ea, quae diximus, mirifice confirmantur, non in caducos ipsos, sed in sinum insputatum, idque non sanationis, sed horroris gratia factum esse dicitur. Vt vero in magno errore versantur, qui caducos homines quavis de causa olim insputatos fuisse dicant, ita ridiculi sunt, qui salutarem eius rei vim exponere studuerunt. In his praeter ceteris ludos nobis fecit Wedelius, qui in Exercitt. Medico Philolog. Dec. 4. Exercit. 8. de morbo insputato disertius disputavit, et fictae istius atque superstitiosae curationis vim ita exposuit: *Enimvero cum plurimum situm sit in resuscitatione Archei* ⁴⁾, *sub epileptica ecclipsi succumbentis et confl-*
ctantis,

4) En tibi manifestum insanae Helmontii sapientiae commentum, quod ille a Paracello repetitum ita ornavit et amplificavit, ut in obscura physiologorum istius aetatis disciplina Archei viribus omnia generari, mutari et perire dicerentur. Quem vero ipse intellexerit Archeum non satis certum est, quippe cum sententiam suam perplexis et translatis verbis involveret. Nam in libello, *Archeus faber*, haec ait: Constat Archeus vero ex connexionē vitalis aurae velut materiae, cum imagine seminali, quae est interior nucleus spiritualis, foecunditatem seminis continens. — Mox eum appellat generationis fabrum et rectorem. — Mox praesidem, curatorem, rectorem internum finium, in obitum vsque; alibi aliter. Attamen verosimile est, eum hoc nomine vim vitalem significatam voluisse. Quos talia cognoscere iuvat, eos ablegaverim ad Paracelli Opera, Strasburg. 1616. I. Vol. ad Helmontii Opera, Lugduni 1667. inprimisque eius libellos *Archeus faber, de ideis morbofis et de*

ctantis, insputatio inter alia, licet paulo sordida visa, insigne est remedium, ne subigatur a morbo, sed contra audentior insurgat. Est enim si quis alius hic spirituum morbus, quorum auerruncandorum et in externis non leve est remedium. — Inde vero et pudore suffusus Archeus secum habitare discit magis et contra morbum magis insurgere. — Nihilominus arbitrari fas est, successisse in insputationis locum perfusionem capitis cum multa aqua frigida, perfusionem aquae salsae, quae utraque Celsus dilaudat lib. III. c. 23. ⁵⁾

B 2

Facile

de morbis Archealibus inscriptos: ad Castelli Lexicon Medicum, Norimb. 1682. ad Sprengelii librum: Versuch einer pragmatischen Geschichte der Arzneikunde, in cuius parte tertia p. 372. haec scripta sunt: Eine wichtige physiologische Lehre betrifft ferner den Archeus, einen Daemon, der im Magen das Geschäft des Alchymisten verrichtet, und das Gift von dem Nahrungstoff in den Speisen scheidet, und ihnen die Tinctur giebt, wodurch sie fähig zur Assimilation werden. Den schärfsten Alchymisten dieser Art hat das Schwein erhalten, der aus bloßen Excrementen Nahrungstoff hervorbringt. — Dieser Archeus, den man auch mit dem Namen Natur belegen kann, nimmt alle Veränderungen eigenmächtig vor, und curirt auch die Krankheit allein. Er hat Kopf und Hände, und ist nichts anders, als der Spiritus vitae, der astralische Leib des Menschen, und außer ihm giebt es keinen Spiritus im Körper. Eandem rem tetigit Platnerus in quæst. physiol. p. 191.

- 5) Vt verba ista Wedelii a Schurigio p. 163. excerpta sunt, facile credi posset, Celsum laudasse inspuendi morem. Sed omisit Schurigius haec: *perfusionem cum multa aqua frigida*, ad quod membrum, ut ad alterum *perfusionem aquae salsae*, illa: *quae utraque*, referenda sunt.

Facile igitur intellectu est, veteres, cum comitali morbo aliquem laborantem viderent, nihil fecisse, nisi ut in sinum vel solum, contagionis effugiendae gratia, despuerent. Quod cum in multis aliis rebus, ut in fascinis et malis ominibus⁶⁾, in odio et ira⁷⁾ aequali modo facerent, suscepit consuetudo, ut omnia verba a spuendo deriuata, ad quamlibet abominationem, auersationem, deprecationem et fugam rerum malarum transferrentur. Quemadmodum igitur nemo, cum legat illa Catulli: L. 18. *precesque nostras oramus, cave despuas.* et Persii: IV. 34 *et acre despuat in mores.* et Claudiani de Conf. Honor. IV. 403. *Torquati despuet mores.* et Tibulli IV. 1. 7. *nec munera parva respueris.* et Terentii Eun. III. 1. 16. *exspuere miseriam:* aliaque innumera⁸⁾, censebit aliter, quam improprie dicta esse; ita etiam cum morbus insputari dicitur, translata significatio accipienda erit.

Etsi autem verosimile est, in aliis quoque foedis et contagiosis morbis veteres in usu habuisse, ut fastidium suum atque hor-

6) Sophocles in Antig. v. 651. *ἀλλὰ πύσκε, ὡς τε θυμὸν, μέθης τὴν παῖδ' ἐν ᾧ τοῦ τῆνδε νομφεύσειν τοῖ.* Seneca. Quod In Sap. N. Cad. Ini. c. I. Indigne ferebas quod Cato — voces improbas, et sputa, et omnes alias insanæ multitudinis contumelias pertulisset. Petronius p. 58. ed. Lotich. convocat omnes quasillarias, familiaeque sordidissimam partem, ac me conspui iubet.

7) Varia de magico sputi usu affert Cornel. Agrippa de occult. philosoph. I. I. c. 51. vide etiam Lotichium in Comment. ad Petron. p. 262.

8) Graece docti recordabuntur illius Euripidei *ἀπέρυσσας* et Demosthenici *κατὰ πύσας*.

horrorem, quod etiam nunc fit?), expuendo significarent; videntur tamen comitiales morbum, *εὐφημίας* causa, ista metonymica phrasi prae ceteris indicasse, quod inde coniicio, quia poeta in nostro loco ter vitur demonstratiuis pronomibus, *illic et eum et iste*.

His ita expositis apparebit, quomodo Plautina verba explicanda sint. Ait enim Tyndarus Aristophontem rabiosum esse ex eo morbo, qui sputetur, h. e. qui despuatur, non inspuitur. Proinde Hegio eum ultra a se recedere iubet. Quare ille ad iram provocatus, iniuriam, sibi factam, ut irati solent, auget, illumque dixisse fingit, opus esse ut ipse inspuitur. Quod non refutaturus, sed dolorem eius, a quo sibi timet, quovis modo levaturus Hegio, duplex solatium profert, vnum, quod non peculiare ei atque proprium malum accidat, *multos iste morbus homines macerat*; alterum, quod medicina parata sit, *quibus inspuitari saluti fuit*. Quod postremum non vere dixit, sed verosimiliter; quandoquidem credi poterat, fore, ut saliva, quae alios iuaret, etiam huic morbo mederetur.

Restat

-
- 9) Corayus in nota ad Theophr. l. c. ita: Cette pratique superstitieuse, dont on trouve encore aujourd'hui des vestiges parmi le peuple de la Grèce moderne, étoit employée non seulement pour détourner le mal que pouvoit présager l'aspect d'un objet effrayant, mais encore pour prévenir les effets de l'envie. C'est à ce dernier usage qu'Élien fait allusion. V. H. I. 15. voy. aussi Pfeiff. Antiq. Graec. l. c. 61. p. 174.

Restat ut fidem superius datam exsolvamus, deque loco illo biblico, unde aliquis argumentum pro antiquo insputandi more repetere possit, sententiam nostram breviter ac modeste proponamus. Auctor enim Marcus est, c. VIII. a. v. 22. coecum quendam hominem Bethsaida ad Iesum adductum fuisse, eo consilio, ἵνα αὐτῷ ἄψῃται. Iesus igitur eum ante vicum produxit, καὶ πύσας εἰς τὰ ὄμματα αὐτοῦ, ἐπιθεὶς τὰς χεῖρας αὐτοῦ, ἐπηρώτα αὐτόν, εἴ τι βλέπει. etc. Hic etsi disertis verbis dici videatur, insputatum fuisse in aegroti oculos; tamen neminem eorum, qui norunt hoc summi fuisse contemptus et irae, ut inter alias gentes ¹⁰⁾, ita apud Iudaeos quoque indicium, (vid. Numer. XII. 14. Iob. XXX. 10. Ies. L. 6. Marci XV. 19.) quique honorifice, ut par est, de Iesu existimare solent, a se impetrare posse censeo, ut haec vere accidisse malit, quam commodiori interpretatione eiusmodi turpitudinis suspicionem a viri divini persona removeri. Ac talis interpretationis viam aperiunt nobis loca duo similia. Ioh. IX. 6. et Marc. VII. 33. In illo enim Iesus coeco oculorum usum redditurus haec fecisse narratur: ἐπύσσε χαμαί, καὶ ἐποίησε πηλὸν ἐκ τοῦ πύσματος, καὶ ἐπέχρισε τὸν πηλὸν ἐπὶ τὰς ὀφθαλμούς τοῦ τυφλοῦ. Quo in loco cum in terram sputat, exque saliva collyrium ¹¹⁾ factum dicatur, non apparet, cur Iesus simili occasione hanc honestiorem usitatioemque curandi methodum negligere, et ad

10) Plutarch. in Apophtheg. τῷ δὲ φωνίῳ σιωπῇ βαδίζοντι τῶν ἐχθρῶν τις ἐνέπυσεν ἀπαντήσας αὐς τὸ πρόσωπον.

11) de quo multa collegit Wetstenius ad Ioh. IX. 6.

ad eam, quae ipsius persona non satis digna videretur, descendere voluerit. Sed vt istam curationis varietatem omittamus, quid faciamus alteri loco? in quo, postquam Iesus ad hominem aegrotum, eundem surdum atque mutum, curandum alia fecisse dicitur, haec sequuntur: *καὶ πύσας ἤψατο τῆς γλώττης αὐτοῦ*. Num credibile est, eum in os aegroti insputasse? quo quidem modo serpentes occisas fuisse Ophiliis apud Plinium perhibet; an ex saliva factum esse unguentum, idque linguae illitum? quod haud multo magis, quam illud de oculis placitum credo. Quid igitur fecisse Iesus videtur? In terram despuit et manu linguam muti hominis tetigit. Nam in toto Iesu corpore, maxime vero in eius manibus, non in ulla medicamentorum virtute, posuisse eius discipulos et aequales salutarem illam vim, attentos sacrarum literarum lectores fugere non poterit, et vel ex eo apparet, quod aegrotorum cognati et amici fere semper nihil aliud, quam rogarunt, vt tangeret aegrotantem, vel manus ei imponeret. Id cum in hoc Marci loco v. 32. commemoratur: *καὶ παρακαλεῖσιν αὐτόν, ἵνα ἐπιθῇ αὐτῷ τὴν χεῖρα*: tum in superiori, de quo quaerimus, v. 22. *καὶ φέρουσιν αὐτῷ τυφλόν, καὶ παρακαλεῖσιν αὐτόν, ἵνα αὐτῷ ἄψῃται*. Utrobique Christus, quod rogatus erat, fecisse dicitur; illic enim scriptum est: *ἤψατο τῆς γλώττης αὐτοῦ*, hic *ἐπιθεῖς τὰς χεῖρας αὐτῷ*. Praeterea in eo quoque haec duo loca conueniunt, quod Christus, antequam aegrotum tangeret, expuisse dicitur. Sed ita discrepant, vt ex nostri loci primis verbis non appareat, cui corporis parti manus fuerint impositae. Quas quidem aegrotis partibus haud dubie fuisse admotas, vel inde coniici pos-

possit, quod idem de oculorum morbo in loco Iohanneo, de aliis alibi refertur, quodque homines aegroti sic facilius ad spem sanationis erigi poterant. Quum vero v. 25. dicatur: *ἔτα πάλιν ἐπέθηκε τὰς χεῖρας ἐπὶ τὰς ὀφθαλμούς αὐτῆς*, necessario efficitur, idem iam semel factum fuisse. Vnde equidem arbitror ad verum ambigui loci sensum inveniendum paratum esse auxilium. Nam vel levissima interpunctionis mutatione Marci verba sic legenda videntur: *καὶ πλῦσας, εἰς τὰ ὄμματα αὐτῆς ἐπέθηκε τὰς χεῖρας αὐτῆς, ἐπηρώτα αὐτὸν, εἴ τι βλέπει;* cumque exspuisset, manibus eius oculis impositis, interrogavit eum, an quid videret. Sic spurcus ille insputandi mos plane evanescit, honestissimique omnium, qui fuerunt, viri auctoritate frustra defenditur. Nec magis eum confirmat Tacitus, cuius ex Hist. IV. c. 81. haec verba citantur: *Ex plebe Alexandrina quidam, oculorum tabe notus, genua eius (Vespasiani) advolvit, remedium coecitatis exposcens gemitu, — precabaturque principem, ut genas et oculorum orbes dignaretur respergere oris excremento.* Nam vocabulo *respergere* non indicari vehementem salivae impulsus, sed lenem oculorum unctionem, sequentia declarant: *Statim conversa ad usum manus, ac coeco reluxit dies* ¹²). Itaque hic locus Taciti isti Iohanneo similior est.

Sed

12) His postremis Taciti verbis utendum est ad explicandum Suetonium, in quo c. 7. haec brevius narrantur: *restituturum oculos, si inspuiisset*: et Dionem, qui in Vespas. c. 8. sic habet: *τῷ δὲ τοῖν ὀφθαλμοῖν προσπλῦσας* etc. Sed si vel maxime concesserim, Alexandrinum illum hominem id, quod verba sonant, a Vespasiano petiisse; tamen non sequitur talem inspuiendi morem in usu fuisse. Possunt enim ab humili

Sed quaeri tamen potest, qua de causa salutis nostrae servator in sanandis aegrotis ante manuum impositionem exspuere nonnunquam solitus sit? Cuius quidem rei etsi incertum iudicium est, tamen dicam, quod sentio. Nempe ut ille, qui ex errore imperitae multitudinis pendet, in magnis viris non est habendus, ita eum, qui vanas, sed innoxias vulgi opiniones omnino contemnit et aperte impugnat, non inter prudentes felicesque plebis magistros numerandum esse existimamus. Quod Christus optime perspectum habens, cum in aliis sese ad vulgi opiniones accommodavit, tum in hoc quoque, ut in curandis aegrotis, ad spem recuperandae valetudinis confirmandam, medicorum mores imitaretur; in quibus etiam illam exspuendi consuetudinem fuisse, cum aliunde satis constat, tum maxime Plinio auctore probatur, qui in libro XXVIII. c. 4. post verba superius allata, ita: *Eadem ratione terna despuere deprecatione, in omni medicina mos est, atque (lego itaque) effectus adiuvere.* Vtrumque autem quandoque Christum fecisse, ut et despueret, et deprecaretur, e Marci c. 7. elucet, ubi non solum dicitur καὶ πύσας ἤψατο τῆς γλώσσης αὐτοῦ, sed additur etiam: καὶ ἀναβλέψας εἰς τὸν οὐρανόν, ἐξέταξε, quae quidem manifesta deprecatio est.

Sed

humili et abiecta adulatione profectae esse illae preces, quibus, quippe illiberalibus, non respondisse Imperatorem ex Tacito clare demonstrari potest.

Sed veniendum nobis iam est ad id, cuius causa haec disputavimus. Instat enim sollemnis illa dies, qua adolescentes, quibus aetas sua e nostro magisterio excessit, reconditorum literarum professoribus in disciplinam tradendi publice, commendandique sunt. Quod quidem eo lubentius facimus, quo verius fateri licet, neminem eorum in primo illo et praecipiti vitae actu turpiter corruisse, plerosque cum insigni integritatis, humanitatis et doctrinae laude cum transegisse. Ac praeter eos, qui nuperrime studia sua in Academiam protulerunt:

FRIDERICVM AVGVSTVM SERIGIVM,

LIPSIENSEM.

GVILIELMVM FERDINANDVM BAERENSPRVNGIVM,

LIEBENWERDANVM.

CAROLVM GVILIELMVM ELTZNERVM,

LIPSIENSEM.

CHRISTOPHORVM GOTTHOLDVM MVELLERVM,

KILENBVRGENSEM.

alii, quorum nomina sequuntur:

FRIDERICVS GOTTLOB KOCHIVS,

REVDNITIO — MISNICVS.

IOHANNES GOTTLOB HELLERVS,

PÜCHAVIO — MISNICVS.

CAROLVS AVGVSTVS GLAESERVS,

LEVCOPETRENSIS.

non

non prius scholam relinquere decreverunt, quam ingenii sui
artisq[ue] specimina habendis oratiunculis publice ediderint.
Ad quos lubenter et benevole audiendos, nos non solum
MAGNIFICOS et ILLUSTRES VTRIVSQ[UE] REIPUBLICAE PROCE-
RES, sed omnes omnino, qui efflorescenti patriae spei, qui
scholae ac nobismet ipsis favent, perofficiose invitamus.

P. P. Lipsiae die XXVIII. Aprilis. A. Chr. clōIcccxi.
